



**ДУНДГОВЬ АЙМГИЙН  
ИРГЭДИЙН ТӨЛӨӨЛӨГЧДИЙН ХУРЛЫН  
ТЭРГҮҮЛЭГЧДИЙН ТОГТООЛ**

2013 оны 12 сарын 30 өдөр

Дугаар 231

Мандалговь

**Хөрөнгө данснаас хасах тухай**

Аймгийн ИТХ-ын Тэргүүлэгчдийн 2010 оны 22 тоот тогтоолоор батлагдсан “Орон нутгийн өмчтэй хуулийн этгээдийн үндсэн хөрөнгө олж авах, бүртгэх, данснаас хасахад баримтлах журам”-ын 3 дугаар зүйлийн 3.1.”б”, 3.2.6.”в”, заалтуудыг үндэслэн Аймгийн ИТХ-ын Тэргүүлэгчдээс ТОГТООХ НЬ:

Нэг. Дундговь аймгийн ХХААЖДҮГ-ын үндсэн хөрөнгөнд бүртгэлтэй 6’189’213 /зургаан сая нэг зуун наян есөн мянга хоёр зуун арван гурван/ төгрөгийн анхны өртөгтэй, 309’462 /гурван зуун есөн мянга дөрвөн зуун жаран хоёр/ төгрөгийн үлдэх өртөг бүхий 180A маркын бага оврын 2 тракторыг актлан данснаас хасахыг зөвшөөрсүгэй.

Хоёр. Хөрөнгийг зохих журмын дагуу данс бүртгэлээс хасч, ашиглаж болох эд ангийг Орон нутгийн өмчийн албаны хяналтан дор үнэлэн байгууллагын эргэлтийн хөрөнгөнд бүртгэж авахыг Дундговь аймгийн ХХААЖДҮГ-ын дарга /М.Мөнхжаргал/-даалгасугай.

Гурав. Тогтоолын хэрэгжилтэнд хяналт тавьж ажиллахыг Орон нутгийн өмчийн алба /П.Очирбат/-д үүрэг болгосугай.

